

ALL NATIONS GOSPEL PUBLISHERS



www.anjp-hb.co.za



info@anjp.co.za

MUKULOU PTANGENG MOT

NGAL CHO TONG'OGHOCH PARAKU PUKUNETE

Pukunete tungeto kiporunot, kikusura koro Ufaransa konyi 1732. Ngutote le kiyo nyopo Sopon Po Ptangengmot. Anta Puku Mukulogh. Ompo Paraku nyiighin, nyo. Po man nko oliot nyo Po kirurut cho Tuliloch, cho mi orii. Kikewaghach Pukunete ompo kutuwa Punton cho chang cho Po antakwagh, akuchomunot kumil Pich lapai nko kighonut lachin.

Tungeto Pukunete asil nko kinonut chopo Pantu. Kulenyona nyu, chamate ompo keston cho chang. Akisuwa Pich cho chang man nko ayomis Po Tororot, ompo Kisilata kony, nyo kitena kisilata-nyo rel. (Exekel 36:36; Eprania 8:10). Ompo wolo okonokwa Sopon, atonun Mukulogh nyo rel orinkwa. Kule nyona nyu omuchekwa, cho chang otume tum nyo rel, nyo lendoi, kikupar Yeso, akwompo kisunkachi kisorwecha, kungetuno Punton lakau. (Ngangat 5:9).

Ayo wei, Imuchenyi Soghe nya, aitoto Pukunete tokungarach Pich, Kiyonu, Po mukulogh?

J.R. Gschwend.

COPYRIGHT

ISBN 978 - 1 - 920322 - 80 - 9

E-MAIL: info@angp.co.za

ALL NATIONS GOSPEL PUBLISHERS

P.O. Box 2191, PRETORIA, 0001, R.S.A.

(A Gospel Literature Mission financed by donations)

(Reg. No. 1961/001798/08)

MUKULOU PTANGENGMOT

Kopo Tororot nya anta Kopo Onyot ?

1 Yoana 3:4-10.

Ompo Kisomonu.

Pukunete melo rel, kikusura koro Ufaransa otini le tagh, konyis cho le Pokoloi odeny cho kikuwer. Pukunete kisuwegha Pich cho chang lopoyun nko kisoyonot. Kupoghisheg-ho le kiyo nyo roso kegh Muron nko Kor, wolo lata mukulis ko kwa, ompo Tau Tororot. Kikungarach Pukunete Pich cho chang kusuwa kegh chane wolo lata ompo Tagh Po Tororot, akukoto chane ngokikwa.

Otino Isomonenyi Pukunete ikany kupkochin lo, kiyo nyo irosonenyi kegh. Oto mechinyinye ghanate, anta kichuntanyi, Isuwuyenyi kegh wolo llatenyi. Mokulonye Pich Tororot. Rosoi mukulou chi orii omorupone lo nen Sany.

Onyot ku Papoto Putu Iachin, yetun Po tuwun aku Tororot Po ngunny. Igloi kegh le malaikayanta lopoyun, akwompo man melo malaikayan le wolo mwoghtoi Pich walak. Pich cholata choni mochomoi nye oto kipar wolo lata onyoto. Le oto kilata kony nko yee mito werkoi Po Putinton, chepolkostin cho woghochoi kegh le kiyoghtoghi Yeso. Matangany ompo wolo woghokoi kegh onyoto le malaikayanta lopoyun. (2 Korinto 11:13-14). Kigh Pich Onyoto kukoro konyin nko kinonut, atamasuwa chomnyo Tororot, nko ororyo Echotion Yeso Kristo. (2 Korinto 4:4). Pich cho chang kikarta konyin, Tororot nyopo ngunyinete, mengutcha lo, kumito Pan nyo po mapo kokai. Ompo Pan Tororot kiluku chane meghon cho kipaite chane Tororot Po ngunyinete. (Epeso 2:2).

Ompo kerotonu, kiyonu Tororot wero Adam, atakunyar ocheiwo Onyot. (1 Yoana 3:8). Kulenyona okonyuto Tororot, atagha onyot, atakurupenok, atacha Tororot atakurichok. (Yakopo 4:7-8).

Otino Isomonenyi Pukunete, airosenyi Pichen, imuchenyi su-

wuye Mukuloungu akumukoí kupkochínyi wolo ilatenyi. Oto Isuwuyenyi Mukuloungu lo gha, akumi ngoku ori, chama aikoto. Oto kumwaghacha lo, mokichichanye Pipo ngoku, kelusecha kegh amominye Man orincha. Wolo oto kukotecha ngokicha, ku, kighonin nyinte, akupo Man, nyo Muchoi kungongoghta ngokicha, akumwatecha ompo simnyon anka tukwil. Oto kumwaghacha lo mokichichanye chemwokiyis kulenye oto kakighacha nyinte Putin aku mominye ngoliontenyi orincha. (1 Yoana 1:8-10). Kulenyona nyu, opokegh ngunyí, ewu Tororot, atokulostowok ngokikwo akutililokwa ompo kison Po Yeso Kristo, chopo oliot nyo wow.

Ayo wei, Tororot nyo Poitenínyí nya, anta Onyat? Ichi motworinto ngoku nya anta sekeyonto Tororot? Oto Poitoi ngoku oringu, Metiyo wolo lokíno Tororot, atakutiakun ompo Yeso Kristo nyo, kingun kusoru chemwokiyis, atokungany chepko-rotonoi konyin, atakungetenech tuwun akurosuta konyicho. Kingun kutonech lopoyun nyopo tongonchin. Kingun Yeso Kutiakenecha ngoku nko owesyo Onyat. Ompo Yeso Kikealecha kelukuna Monungo Tororot. Ayo wei, Ighiongonenyi tau Tororot nyo tilil, nyo suwiyi ngokiku lachim nko kinonsheut-koku lakau? Memukenyi-nye teungkegh anta Ighisheut koku, ompo Tagh Po Tororot. Nyinte Tororot nyino Kito Yit otino mi, molumonye? Nyinte nyino kigh kong mosuwa? (Tumwoy 94:9).

Toponoi Pich nyinte lakau nko otoptinekwa. Mominye tuwun ompo nyinte Mosuwa ngala tuwun. (Ayupu 34:21-22). Ompo wolo, konyi Tororot ghiosetegho nguny kumukul, atokuporu kegh lo tungeto nyinte owesyo ompo chane cho tenote mukulis-kokwa. (Otoptino osis 16:9; Yoana 2:24). Soyonote nyo kikelostochu ngokichi, akeuny lelutkachi. Soyonote chí nyo Meyitininye Echotion Kipotot, amominye chepolkosnon mukulounyi. (Tumwoy 32:1-5, 55). Takwituta yee, mí Yeso Kursiyi. Apkana lachim wolo omitan chona osuso kegh, nko nukisuntin, atomungwok (Matayo 11:28-30).

PICHA NYOPO TAGH

Pichanete Porei Mukulou chi nyole chemwokiyon. Chi nyete, nyole Muron anta korka nyo Poitoi ngala nguny Purchin, nko kinoghyot nyopo Por. Pichanete ku kio nyopo mukuleu Ptangengmot, le wolo rosutoi Tororot. Konyichi, ku Puroch, aku wutwut sot. Poroi tamasenyi (Ngotunyo 23:29-32). Ayo wei, ngo nyu, teghoi? Ngo nya, nyu Puroch konyin? Chane chai tupisot ka kumun, akupetoi kuyorotoi Pogho sapipun cho kikuriak. Otini ketopononyi, Puroch kumi kolowo, akureittoi nyo karam, wolo Sorom suroi chi le Moroi nyo tungeto ngwono. Atoni nyu, suwui konyiku ngal chole too, akungoroi mukuloungu ngal cho Po kipotot.

Ngunyi, motono Po chi, olenden Isuwuyenyi mukulou Ptangengmot. Mukulou noni, ku Mongot, nyopo tukun cho sisinjot. Poroi ngoku cho Sisinjot cho mito ori Po mukulou Ptangengmot. Mukulogh nyino Mongoi ngoku ori Mwoghoi Tororot lo, mukulogh kulusin, kursir tukun lapai, ekuting meghat! ngo nya wei, nyo mukoi kungutu? (Yeremia 17:9). Kimwa Yeso lo, oripo mukulis Po Pich, pkono kinonut cho ghach, chepores-nun, chorsyo, Tugho, alomi, Purchin nyo gha, Ptekweron, chepol kosnon, Simnyondon, chupot, anaun, nko Tirwosnon. Ngale choni lakau ghach, pkono oripo mukulogh, akutoni chi simnyon. (Marko 7:21-23).

1. TARITANAI MERMEROI

Kugh nyopo tagh ompo pichanete ku taritanu mermeroi. Tingeto taritanu karor cho mermersot nyo karam nyoman. Kimustoi nyínte ngoku cho po anaun. Tapogh Po kiwasan, nyinte nyo kikiyila mwagh, aku toror ompo ka Tororot. (Isaya 14:9-17; Ezekel 28:12-17). Otini le tounot, onyot melo kim-alaikayanta tuwun, kipo lopoyun.

Anaun, Poru kegh ompo ortun cho chang. Mi, Pich cho solo kegh sukunoto, tukun cholecha Tich, kechir, korun, nko Paren, anangis chopo oliot, tokoch nyo Karam. Walaka kwolo kegh, Puntonikwa, Paitagh, kalamu, owesyo nyopo Por, nko ngal cho echon, ompo ngunyinete, tuwun anta relun nyopo



1

1. MUKULOU CHEMWOKIYON

Por nko tukun cho mominye kinyiutyo. Mukini Pich cho chang kwighoí kegh kukaramachitu ompo kilakata karii yitun, nko ewun akemut sorim tokoch, nko Por, kurkegh kigh Tororot chi kutenat. Tiyot Tororot Pich cho tingeto anaun, wolo toni nyinte Poropcho, Pich cho rungoi kegh. (1 Petro 5:5). Reyoi Tororot anaun nko kwoloto kegh. (Ngotunyo 8:13). Nyoghoi anaun urat, aku mukulogh nyo shiloi kegh, kuwuroi (Ngotunyo 16:18).

2. KUKIY

Ompo Pichanete, Poroi kukiy, nyoni ku purchin, Po por, cheporesnun nko alomi. Wop anka tukwil nyo wetoi kukiy, kusumionoi kegh. Lenye kukiy pich cho chang, cho Pestoi akungolono walaka nyo gha, walak nyo karam, kurkegh, ko Muron, anta kor. Cheporesnun nko alomi kutukun cho ghach, chomi kuletoi yee, osiswechete Po Sorom. Naran, Muron nko kor chopo yee memuchoi nye, kuripo kegh lakau cheporesnun nko alomi. Musukai cho chang yee tukul, kulenyenyon. Ngoki Sodoma nko Komora, kinam sponwo Pich cho chang, mito kungoroi ngala Yeso cho kimwa lo, osiswo sorom kuluku lee, osiswo Sodoma nko Komora. Pichu le, Marakoltin nko cheluwen, kuroí cheporesian lo kukiy. Pich cho lata choní momulocha Poyunoto Tororot, ompo wolo Sany Po Yerusalem nyo rel, mi kukudino chesokoytin, Pipo alomi, Tughu, Pich cho Soghoi korkoynit, nko chi anga tukwil, nyo chomoi Putinton (Ngangat 22:15). Kule nyona nyu ariaena Ighisheut Po Por. Ngoku Lakau cho Igħoí Ptangengmot kumito sany Po Por, kupoto nyinte nyo Igħoi cheporenan nyo sumionoi Portany kegh. Ayo wei, mongutokwanye so lo, kopo Tororot Porwoikwa? Melo ochikwa chikwo kegh (1 Korinto 6:18-19). Oto wur chi kopo Tororot kuwuroi Tororot chichoni. Ompo wolo kopo Tororot ku tulil, aku akwa choni.

3. MULUNJO KAU

Mulunjo kau, Poroi ngoku chopo Tamasa, nko cheporesnun. Mulunjo kau omoi kugh anka tukwil, nyo konyoru, amengut nye, kugh nyo gha nko nyo karam. Lenye Pich cho chang, cho omoi Panya tukun cho komegho, anta cho kakigha asiltin. Ghegħoi chane kison, akwomoi mur, cho echon nko

cho mungech, cho kimwa Tororort lo mam. (Ighisheut 15:20; Isaya 66:17). Ompo choni lakau, mi chane kumtoi, aku Yupo Porwoikwa tapoi, chino le kopo Tororot, choni lakau kutoni Sumion nko ngwono kison - ko kwa. Poroi ompo atoni lo, mito onyoto kupoitóí ompo Purchin nyopo Yupot. Ompo owe-syo Tororot ongut, nyo Muchoi kutiokoi Ptangengmot, ompo Mongot nyo le nye nyoni. Lenchini kegh Pich cho chang, ketomesho, akegha kumun, melo gha wolo nyu, Mominye Ptamasianta anka tukwil nyo miloi Poyunoto Tororot, ngutuno lo, kumun melo omisyo, wolo tamasa ku meghat nyo Ipu Kinyarata mot. Chane cho gheghoi kumun kutirwostin aku cheporestin aku tughoi kegh. Anta makumun, to, Meghoí nye lenyoní. Kumun Lusoi pich akwipu siala, aku chi nyo leloí ompo tukuchoni motungetonye ngoghomio. (Ngotunyo 20:1).

Ompo kirurut Po Musa, chi anka tukwil nyo kitung Moning nyole Penyin aku Ptamasian, kiku-wíro koghun takuma. (Kinnonsheut 21:19-21). Rioki kumun nko Ptamasis ku, karkegh ompo tau Tororot. Ompo wolo, Mwoghoi ngolionto Tororot lo: Ey weí, ompo chane, chole nyokon Po tamasa, kurkegh Ku-Muron ompo wolo nyoroi chane tamasa (Isaya 5:22). Eywei, ompo nyinte nyo toní, Pororiényi kumun. Nyi nyo itonenýí ngwonengu kutamas. (Apakuk 2:15). Maluskegh, Momulocha cheporestin Poyunoto Tororot, anta chane cho soghoi Korkoy-intin anta kalomak, anta Ptakalis, anta cho tung Purchin anta tomosu, anta cho Mwosiyi, anta cho surisiyi. Momulocha Poyunoto Tororot nyonikuny. (1 Korinto 6:9-10).

Rumunote Poghisheut Po Por, alomí, Simnyonton Cheporesnan, Punyondon, siala, nyonyindon, norekyo kiuliot, sem-sem, ortuna Saghat, kingurielat, Porsyo, Ta masa, aketagh nko ngal chole choni. Ompo choní onyoghan omwowokwa le, oto kiamwaghan tagh lo, momulocha Picho cho Igħoí ngal chole choni Poyunoto Tororot (Kalatia 5:19-21).

Amotomeshegho kumun, ompo wolo Ipu otop nyo gha wolo, nya kunyughitak mukulou Tororot (Efeso 5:18). Yeso nyole kong nyopo sopon,aku tokoi chane cho tungeto Maral, lendoi chí anka nyo amate maral nyono tekonganun Pogho So-

pon kule (Yoana 7:37-38). Chi anka tukwil nyo amate Maral, nyono wolo mî Pogh, chí nyo Motung ropien, nyono ala aiiam, owoí nyono ala dipai, ku purio ropuyen. Omponenya tetotonenyi ropien ompo kugh nyo melo omisho? Ompone tototonekwa tukukwa ompo kugh nyo mopughiongekwa? (Isaya 55:1-2).

4. PKOKOCH

Pkokoch ku kugh nyo wetoi mut-mut, kimustoi nko ngoku chopo Sikong, Pampa mut nko sikoinon. Sosoo anka tukul, pkonjini tiomut cho chang, chorsuyi meghoi nye kasu, mukoi ompo kutugh chi tokuchorsyo. Sosonot nyopo Mukulogh kortsói pich tomosagh anta pa kanisa, anta kesomon ngolionto Tororot. Sosonot Ighoi Pich tomokungtu ngolionto Tororot, nyo tungeto spon po kokaî Tomtomonot nko Pampa Mut, ku chorinto Poroyuntocha. Akuntoghochini Pich takwit kinyarat. Otomwounyi Tororot ye lo, tono nyinte Mukuloungu, kurupu onyoto lawel akumwa lo, melo asete, kanya asistanga. Mucho nyu, tomtomononyi asete, asuyech, koyoghi, takwituta Meghat kunyorunyi tomye ghananyi Tororot, kulenyono, lendoi Tororot: asisete otoalumakwa kutinyan, Magh mukulis kokwa kwongerochitu (Eprania 3:7,8).

Koporionto Patau Pkokoch, Poghishegho chemowostin, kwigho sokoi, kulenye nyu, karkegh nko keghan chemowostin nyino koto kighonoi Tororot nyo satate. Nyino koto kukoroi Tororot ompo kichur nko someut, kunget Pich kughan korkoyintin, kuy, koghun, nyighin, anta tukun walak cho motung cha spon, cho Mwou chesokoyon. Muchino kwa, aghana Echotiontengwa. Kimwochu Tororot monung Israel lo: Mapakach korka nyole Ponin kusop (Ngetunot 22:18). Orip kegh tomorumuno kwenungwa chi nyo Totoi Monechi kulu amustin, amopoghishegho ngorsho, anta chesokoinon, anta Poninton, anta Putinton, anta ngala oy. Ompo wolo ghochíni Echotion chi nyo Ighoi ngal cho lecha choni. Ngale choni, chini kigh Tororot, kuyona Pichoni taungwa. (Kinonut 18:10-12; Lawin 19:31). Aku chi anka tukwil nyo wechini Pipo Oy, nko chemowostin akuporesan tukwil, osunyorchinan atoran chichoni nko Pikokwa. Otililo kegh nyu, le ani Tororo-

tungwa (Lawin 20:6-7). Soru Yeso mukulis, aku Lostowecha nyinte ngokicho lakau akusope cha ompo someut. (Tumwoy 103:1-3). Oto mi chi kwenungwa akong, nyo roloí, kutur Poyi Kanisa, kusoghchu nyinte, ompo kighanat, tokusoru chichini chirate. Sholoi nyinte Tororot, oto kigh ngoku kelostochini. Olostochino kegh akwane ompo akwane asoghchu kegh, atokesopok. (Yakopo 5:14-16).

Otino Isomonenyi Pukunetenu, Inan lo, mi Tororot kun-golonunyi lo, koteno ngokiku, atokulostoun, aitoto Sopengu wolo mi nyinte. Wolo nyu, otolenye Mukuloungu Pkokoch, kuchomunyi lo, irupenyi ono nya lawel, kanya ngo asiyech, koyoghi, anta konyinu-naa. Lenchininyi Mwochino kuny Portongu anta korkengu, anta Papongu, aimut moneku kuny. Nyo koto Iterenyi kuti Tororot kulusinyi onyoto. Ngutuno nyu lo, oto Ighenyi lenyoni, mi mukuloungu kuongeritu lee Patau Pkokoch.

5. MORIL

Ngwan Moril nyoman, kugh nyo korom nko multagh Po kisson. Karkegh, nko Murmuryo, nko Kireyat nyo mi Mukulou chi. Chi anka tukul nyo Poitoy Kireyata nko Mukulou mur-muryo Muchoí kwigh ngal cho ghach anta tughisho. Ompo osis cho chang oto tamas chi, kukagha mukulou Onyot, amemukoinye kupoitoi kegh. Pich cho chang cho kor-koree gheghsiyi tokumichu kumun, kwigh nyu ngal cho ghach, ompo nyakanata kumun, anta ghakta cho ghach cho komi orinyi. Puron kokwa kulata ngwono moroyut. (Kinonut 32:33). Kitakat ku anyin ompo mukulogh nyo mi ngoku wolo Tororot nyo ruwokini Pich ompo ngal cho ghach. Kimwa Yeso lo, achama Pungkokwo, yomisoi Tororot lo, lostowecha nyinte ngokicha, oto kulostochicha Pungko-cha tukwil.

6. MOROI

Otini lee Tounot, kikaram nyoman Moroya, kulus nyinte, Adam nko Hawa, ompo Para Eden atakunyar linyogh tongwa nko Tororot. Kisuba Onyoto nyogha ompo chomnyo Tororot Paraku Adam nko Hawa. Napo ng'at, kisuba onyoto nyo gha, otino kito Tororot chane kupaita ngunny, amaluku

nyinte, tapogh po kiwasan (onyot).

Akwompo Sikongnan kunyar onyoto linyogh Po Ptangengmot nko Tororot takumuch. Sikongnan nko Porcho mitoni oripo mukuloungu, akupoitoi oripo sopontongu, aku mulinyi otino ngorekiot Pich walak. Akwa kighonu, muchinokwa oripeno kegh mukulou sikongnan Po Onyot. Kurkegh kusoyon Tororot werinyo anka, kusir nyi. Sikongnan toni mukulogh kinonsheut cho ghach, atepananyi ainyaranyi ngorekyo Pich walak ompo sikongnan.

Sikongnan nyopo Muron nko korka, muchoi kunyoroi kongwa, sikongnan ngwan lata ma Po kokoi.

7. MNYAKAU

Mnyakau kutegho nguny, anta, ori Po Pogh. Karkegh nko ngoki sukoinon, anta ngoki kecham ropiyen nyoni ku nyighinia g'hoyun. (1 Timoteo 6:10). Ompo koro Kongo, mito Mnyakaoi cho Omoi togh, to kuperisho mutuno. Chi anka tukwil nyole sukoy, melo chomoi kuchoghhchini chitonga kugh, anta ngarach, meiwon.

Mukini nyoman ompo wop lachim kusupoi tupo ngunyinete, kurkegh kenyorisot, akwomoi rirum,aku choroí chorу. Ompo wolo wolno mí kaplawach tongu, kumí Mukuloungu woloni tukwil. (Matayo 6:19-21). Akan nko Pikoo Katanyi kumukul, kikutugh ompo wolo kicham koltin, ropuyen nko suro chopo olliot nyo wow. Kulenyona nyu kicheng nyinte tukun cho ch-upot. (Yoswo 7).

Yudas Iskariote kima ompo wolo kicham ropuyen kusir wolo kichomtoí Yeso. (Mataya 27:3-5).

8. ONYOT

Onyot ku Papoto putu lachim. Nyinte nyole mosowonto tukun lachim cho ghach, cho mitoni mukulou Ptangengmot. Kimwa Yeso lo, akwa opoyekwa Papongwa Onyot, aku Purchin nyole nyenyi, nyo oghekwa. Kiputin nyínte kungàta otini lee tounot amominye man orinyi. Otini mwoghoí Putinton ku chíni

le chechi, ompo wolo Putin nyinte, aku Papoto Putinton.

9. TAPOGH

Tapogh karkegh nko kinonut cho mito oripo chí lakau. Ompo yeteyi, kituwochitu kinonut akuluku Sumion, ompo Paraku ngoku cho kikenagh. Meghoi nyeacheí nyo karam. (1 Timoteo 4:2).

10. KONG

Kong Po Tororot mi wop lachim, aku suwiyi kugh anka tukwil nyo mito ori po chi. Mominye ngolion nyo wunyate ompo tau Tororot. Kule nyono nyu, ng'ut Tororot kugh anka tukwil nyo mito orí po chi. Oto Ighenyi kugh anka tukwil, nyole ngoku ompo tuwun, anta wuw, kusuwuyi Tororot.

11. MALAIKAYAN

Kikorkoyinoi Malaikayan nko ngolionto Tororot. Mwochíni Tororot chi anka tukwil nyole chemwokiyon lo, koteno ngokiku, aicham lopoyun kulut oring'u. Mí Tororot kungolonoí nko nyi, nyo Isomonenyi Pukunete yee tukwil.

12. CHEPURUM

Chepurum ku Tarit nyo kimuchoí kepogho kau, aku menyoroí nyo kugh. Kimuchoi kekorkoyunoí taritanu nko mukulogh nyo Tulil, mukulogh nyopo Man, nyo Poroi ngoku nko kirwok. Ompo Pichanu mito Mukulogh nyo Tulil sany. Motoponye otino Poitoi ngoku.

13. NGOLIEP CHOPO MA

Ngoliepwechu, kiwit wit mukulou chí, nyole Ptangengmot, aku chemwokiyon, karkegh nko chomnyo Tororot wolo lata ompo chemwokiyon. Mochomoí nye Tororot, megha chemwokiyon wolo yoroí ku-koto atokumongisho. Kingun Yeso Kursoru Pipo ngoku. Yetu ngorekío yim ompo chí nyo kokoto ngokichi. Moroi Tororot, ku mwotoi mukuloung'u, ompo kison Po werinyi Yeso. Moroí Tororot chomnyenyi kulutoi ori Po mukulogh nyo kag'hut, akima, tokusop.

Ghiongo Yeso kukaa, mukuloung'u akukony-konyoi, oto iyoti-


nyi, lutu akumwat mukuloung'u, akutiakinyi.

PICHA ODENY

Pichanu Poroí chi nyi kotoi ngokichi, akughan Tororot. Mito malaikayan kunomoi chok, aku nyoni ku ngolionto Tororot nyo satate, tung owesyo aku ngatib kutul chok, nyo ngatip wop lapaí. Ngolionto Tororot, toroi a ku chagh spon nko mukulogh, nko ngichayai, takwit mwagh Po kowo, aku Pkochíni kinonut nko keroto mukulogh (Eprania 4:12). Non-wecha ngolionto Tororot lo, ropowo ngoku ku meghat nyopo kokai. Kikurorchu Ptangengmot Meghat kunyil akong'a, akwotino kama, kuluku kirwok (Eprania 9:27). Koro chemwokiyon nko nyinte nyo meghanatnye kuluku nanam nyo nogho ma nko Pighon.

Ompo egh nyopo odeny, nomoí malaikayan Reng'a mot. Kuyoni, Porchini chí lowur nyole chemwekiyon, lo, kumeghsonecha, lakau. Kurkegh kakuchomoi Porwoicho, akelokini anangis, akiomisiyi, kengutuno lo. Meghsot astanga aku nuno. Omoi nguat Por, otino wetoí Mukulogh kughghiongo ngacharu kirwoko Tororot.

Nyi chipo ngoku, toro Luma ngolionto Tororot, aiyat, Mukuloungu ompo chomnyo Tororot. Ompo yete ketor mukulogh nyo tulil kupkang oripo mukulou chi, nyo mí ori tuwun. Lopoyun Po Tororot nyona kolut ori po chi akuyon tuwun. Wolo mito lopoyun, kurupo tuwun,aku chomnyo Tororot nyo ng'etoí Mukulou nyo kaghut. Ngoku cho kimustoí tukun cho rioghoí Sany. Nyi chemwokiyon, chama Yeso Kulut Mukulong'u, atokuweghenun tuwun; lee ye, oto Isuwuyenyi. Kinwa Yeso lo, ochan lopoyun po nguny, nyinte nyo ghonganun moweghonye tuwun. (Yoana 8:12). Eyweí, ompo chane cho chomokegh tuwun kutul lopoyun. Otino kituta Yeso Ekalu cherusalem kutuul nyinte Pich lakau cho kioltoi Tich, kechír, nko chepurumtin, akumulta nyinte ropuyení Pich cho kíoloi, akwoltoi tukun, akumwa lo, konyan kukuro kopo Sogħut, wolo ye nyu, kaghakwa kuluku kopono chorū. (Matayo



2

2. MUKULOU CHI NYO MOROI KUKOTOI NGOKICHI

21:12-13). Ko-ot ku mukuloungu, aku Melo Kíngun Yeso tokulostowecha ngoku Pat, wolo kingun kwalecha, akutíakech kenegetuneno owesho nko Paitagh Po onyot. Kule nyona nyu, oto kikutia kekwa weri, olukunekwa cho tiokote nyoman nyoman. (Yoana 8:36).

PICHA NYOPO SOMOK

Ompo pichanete, kusuwuyi mukulou chi nyole chemwokiyon, nyo kikoto ngokichi. Kisawa chichu ngokichi lo, kimegha Yeso ompo kimurtewon. Mukulou chipo ngoku, Mroo lo mut, otino kera kimurtowon nko malaikayan nyino ipu ngolion. Chomnyo Tororot kungetuno Yeso Kristo, Igħoi mukulonnyi kupotan, otino kenan lo kingun Yeso Kung'ongoh ngokichi lachim akuma ompo Parakunyi. Kikumuny Yeso sitit, akenopchu tenda katoo mot, akeportochu kimurtowon Morun nko kelion, akwompo Paraku ngokicho lapai. Rungoi chi ngolionto Tororot otino Kesomon, akupkochu takuchal ngokichi. Tooroi nyu mukulounyi kusukoi nukisun nyopo kotogh. Mugħot, nyo Muchoi kwigh Mukulounyi kuloch, ompo ngokichi akurich ny-inte Tororot. Chomnyo Tororot nko kalienyi, nyo lutoi sopon po chi atokumwat kison-kachi ngoku lakau cho mí orinyi. Ketor kupkochu lo, mito Echotion oto lekut, nko chane cho rung'oi soponwekwa, aku chi anka tukwil nyo ipoi kegh ngunny, kesoru nyinte (Tumwoy 34:18). Sopoi chane cho kiruny kegh soponwekwa akusop moyoy-ko kwa. (Tumwoy 147:3). Napo mwogħoi ngolionto Tororot lo, rosoi Tororot mukulogħ nyo rungoi kegh, chi nyo Potonoi otino kalum ngoliontenyan (Isaya 66:2).

Mukulogħ nyo Titil nyo Poitoi chi anka tukwil nyo kikughan Yeso Kristo. Otora-a-chí kimurtewon ompo kighanat, otora-a-chí kison Po Yeso chino kimulta kegh, aku tulil ngokichi, ngutu nyu Man lo, kimwat kison Po Yeso mukulounyi, nko ngokichi lachim. (1 Yoana 1:7). Nyinte nyo ghonoi Yeso, mepotonye, wolo tungeto Sopon Po kokaí. (1 Korinto 6:10,11). Kikialecha ompo kison Po Yeso kurupata kegh nko kison-kachi, nko Porpchenyi. (Epeso 1:7). Yee nyu no, tung'eto mukulogħ nyo rel ompo orinyi, nyo Pogħishechini Tororot, nyino kichemecha



3

3. MUKULOGH NYO KIKOTO NGOKU

tagh, melo tupo nyuny, wolo purchini nyinte ngala Tororot nyino kitoo nyinte mukulou Peny, akelostochu nyinte ngokichi. Kurkegh, mochomoi nye Onyoto kuwetoí, mí kupur chini kumula orí napo ngat. Kulenyona nyu, kechukoncheno ompo Saghat aketagh ngala onyot tokurupenech.

PICHA NYOPO ANGWAN

Pichanete, Poroí chi keriam nko Yeso Kristo akunyoru kalya nko Sorunot. Kule nyona nyu, toni nyinte ororyo anka tukwil kimurtowonto Yeso Kristo. Kule nyono kikeudo nguny ompo nyinte, aku nyinte, ompo nguny (Kalatia 6:14). Tungeto man lo, kimegha Yeso Kimurtowon, ato-kwoto, kumeghecha ompo ngoku kelukucha, cho sotote ompo man. (1 Petro 2:24). Mwoghoí ngolionto Tororot lo, omong'isheno ompo Mukulogh, melo, Purchin Po Por. (Kalatia 5:13-25).

Mwoghoí ngolion napo lo, ayara tulilun ompo Kinoghiot, nyo oto mominye, kupurio chi nyo Suwuyí Tororot. (Eprania 12:4). Poroí Pichanete Pchoriin cho Kikurotu Yeso otini kikungus anangis-kachi. Rosenyu sitonino kikumunyo nyinte ompo letkocho. (Isaya 53:11,12). Poitoghin Erode nko Pikachi, kimuny Yeso sitit, akuloku nyinte anangis cho puroch. Kunap tentaa katoo, akuloku nyinte mot, nyino kito lokini kolion mot po Yeso. Kuto chane Techan eunyi nyopo tagh, nyino kito toni lukup nyopo Paitagh. Kukutung chane ompo taunyi, akungem, akumwa lo, takwes Poitoghinto Yaudin, kungutu nyinte, akumunyo techantanai mot. Otino kemuchó kumut nyinte keudochu kimurtewon. Chang Pich cho kukroi lo kighonu, akupetoi kanisen, akwomoi Meza Echotion, akutumoí, wolo ompo Ighisheut-kokwa kipakach chane Yeso. Melo Iachim cho Soghoi, akulentoi Echotion, Echotion cho Iutoi Poyunoto Tororot, wolo chane cho Igħoí machata Tororot nyo mí Yim. (Matayo 7:21-27). Rosee, mula ropiyen ompo Picha. Kialta Yuda Yeso ompo ropiyen chole tomonut somok, ompo wolo kicham ropíyen takukar ompo Mukulounyi. Tomwo nko surumnyon, kipogħishegħo Soch Kupur kura le oto kingor wer koyonta kony. Kichagh anangis-kochan ompo kura. (Tumwoy 22:18).



4. MEGHAT NKO KRISTO


Kipara askarian Yeso Ngot Karas kupkana kison nko pogh. (Yoana 19:33-37). Kutomo kuwach choko, kitio Petro lo, Mongutonye Yeso kunyul somok Ayo weí, Ichinyi ghanat Yeso ompo ngal nko Ighisheut nya? anta Iwoghenye mwotutone? Kimwa Yeso lo, chi anka tukwil nyo toghanun ompo tawu Pich, otoghan nyinte lenyoni tukwil ompo tawu Paponyan nyo mi yim. (Matayo 10:32,33). Kimwa napo lo, oto mokoy chi anka tukwil kurupkanun, kumuchini kusalta kegh akukasan kimurtowntenyi akurupanun. (Matayo 16:24). Aku chi anka tukwil nyo mokosononye kimurtowon tenyi merokonanunye. (Matayo 10:33).

Ghat nyo chuchumate, odukeniny
Poghechoni nko kison, chona pkono
Karas-tangu Tuliloj ngokichan, alukwan lotin.

PICHA MUT

Ompo Pichanete, Porwech mongot nyo tulilot, nko chí nyole chemwokiyon nyo kikesoru ompo Poropcho Tororot, nko kishono tenyi. Kiluku nyinte Kopo Tororot Papo, weri nko mukulogh nyo Tulil lee, oto Kírmwa Yeso lo, otochamanun chi, kughonoi ngalechan, akuchomoí nyinte Paponyan, akeuchinecha wolo mi nyinte (Yoana 14:23).

Ompo Yeso Kristo, kikonyut Tororot Ptangengmot akusoyon, akushol nyinte. (Luka 1:52). Kiluku yee nyu, mukulounyi, kopo Tororot nyo Satate. Kikengongohta ngoku, tukun cho chang cho Poítoi onyoto, cho-ko-mi Ori, kipa sany, mi yee nyu mukulogh nyo Tulil kupoitoi. Nyino yee nyu koto Ig-hisheut chopo Por cho ghach, lenye yee nyu Par nyomí akwa, anta ket nyo yinat. Yiyoi akwa mukulogh cho lenye, chomnyogh, ngorekio, kalya, rungatakegh, kamaghat, otop nyo karam, kingarakat, kighanat, mutnan nko akwa walak chopo Tororot nko Ptangengmot. Chipo mukulounu, kiluku sokoon nyopo Man, Yiyoi nyinte akwa ompo Sapiointo Man, nyoní ku Yeso Kristo Echotiontenyo. To-keyu akwa ku-kutopo chí orí Po Yeso Kristo, akutopo Kristo orí Po chi (Yoana 15:1-10). Napo, kuto chi ngolionto Tororot orinyi, to kunyughu



5

5. KOPO TOROROT

Mukulogh nyo Tulil nyo rungtoi Por nko Purchin-tanyí. Ompo owesho Mukulogh nyo Tilil, kuletoi nyo karam.

Chichu Mongisiyi yee, ompo Kalya nko kighanat oripo Yeso, kikuru nguny nyinte. Mongisiyi ompo kikonot akuchuchumo mlaghtanyi Echotion Yeso Kristo. Mi nyinte ori Po chomnyo Tororot nyopo kokaí. Soyonote chane cho tililoch Mukuliskokwa, ompo wolo suwiyi Tororot. (Matayo 5:8). Daudi Poitoghin ompo Sukonotenyi, kilot nyinte Pungkachi akupar koliat, wolonyu; kitung nyinte ngolion akonga, nyoni ku-lok, ompo Tagh Po Tororot, lo, relitante sopontanyu, Igha kurelit mukulogh nyo mi orinyan. (Tumwoy 51:10).

Mominye chí nyo mukoy, **kutilil** mukulounyi kegh, kupoto, kurung chi kegh, lee, Poitoghin Daudí. Muchinote kuluku chi lee, monungai lee, kipoton, kupusto mulunchoi kau, akumla katangwa, akulenchu kwanta, kialelan tau yím nko taungu. Mi Tororot Kupsach kungarach chemwokiyon anka tukwil nyo rungoi kegh. Mwoghoi Tororot lo, okoninyi Mukulogh nyo rel, ang'usan mukulou kogh nyo mito oríngu, Tewunyonyí ompo kirurut kochan. Nyete ku-omisho nyo rel, nyo kigh Tororot akuto macheî ompo kison ko-werinyi Yeso Kristo.

Ompo Pichanete Po mut, Isuwuyenyi Malaíkayan kunyopono akupoghisheju Pich cho mloî spon po kokaî. Napo, witoî chane cho ngut Tororot (Tumwoy 34:7; 91:11; Daniel 6:22; Matayo 2:13,19; 18:10; Ighisheet 5:19; 12:7-10). Ompo Pichanete, kusuwyi Onyot, kughiongoi, otokulekut ompo Mukulou chichete, akuyoroi kunyopono. Kulenyo nyu, Porwech lo osuko chuchumat ompowolo Mororintengwa Onyot westoî, lee Ngotuny nyo Moroy chi nyo nyukuwoî. (1 Petro 5:8). Atagh ngala onyot atokurupenok (Yakopo 4:7).

PICHA MUT NGO AKONGA

Pichanu, Poroy Mughoto chí nyo kimla lotu. Kikor kong a kong. Kikutor chichu kukaghtit akunam ruwonto, ompo Mongenyi nyopo Kristo. Kontanyi anka rostoi lo kworkwor, akurosoi ngala nguny. Kikutuwit mukulounyi mominye lopoyun



6. MUKULOGH NYO KIKUPESHO TIOMUT

ori kimito nyinte kwenu tiomut, akilot nyinte onyoto. Kikukul nyinte ngala onyot kuchal chopo Tororot.

Chichu, tokumí kungunoi kanisa, akuwungoí ngokichi, wolo kikuputan nyoman, ompo wolo ngut lo kiopot. Kingettanyinte chomnyo Tororot nyaípo tagh. Tapoghpo Mukulounyí kikumiso, akunukisit kimurtowonto ompo nyinte. Kiusoto kighanatenyi amokusoghoínye Tororot nyonikuny. Kiluku nyinte Soso ompo Mukulogh, akupusu onyot poroyín.

Mukulou taritanai kwerkwersot karor mito kuyoroi orr tokululu ori. Kikutor chichu kusuk anaun akautiegho lo, kikusoru nyinte ompo Poropcho Tororot. Kírich chichete, tamasa nyoman, oletan michi, nyo lenchini, chamchama tukute, wolo Ingutu nyu, lo, kechamcham tukute, mutoi chí takwit lalwa tamasaas kween. Muko kumí korka akong, nyo riokoi kumun akwoltoi, akulentoi mogheghanye, kuwutíegho nyu nyinte lo, nyinte nyíno Ighoí Pich kuluku. Ptamasis akutung nyinte mukulou nini nko cheporesnun westoí nyínte nko kong'ot cho ghach, akumorotoi tukwin cho kungorechegho.

Mucho chi kulenchu Pich, kepirono Tokogh lee musungu, melo gha, wolo kepíronchegho Tokogh le Pich cho kingog-homochitu nyo gha! Ayo weí, mengutonyinye so, lo, atoni kupironchegho, oto, supoí Pich tokesoru, anta Ighiseghego ngoku. Keyup tapa nyo kiolo duka, karkegh nko Tapa nyopo kau. Kimo Yup nye, Yeso tapa, anta chi anka tukwil, nyo kimuut akong'a kurup nyinte.

Onyot kuputin nyo lenchini Pich, otoiagh chí ngoku kunyul akonga, kumelo gha kurkegh kaporesnan. Otomwa Onyoto lee nyoni akuter chi, kumuchoí kunyar Sopon po chi. Chichu ompo Pichanete Poro rotwo Mukulogh, karkegh nko Pichai sosoi kighonu, aku Munoi ngala Tororot. Chí nyo tungeto Mukulounoní Mokomoghoi nye ngala Pich, tomur, kong'otichi. Poroi nyinte ngaleko mukulounyi, otolapai kuwagh Pich kutul Tororot. Napo, ompo Mughoto kinonut po pich, kiluku nyínte sekeyonto Ptangegmot akikupapot ompo Sorunot. Kípaítá nyínte Murmurío nko kireyat. Kínyoponcho napo ngat, kin-

yarilut nko kipolot, kipaíta Mukulounyi. Kimwosheut kikurimion kutinaí kikusolo Tororot akesogho nyinte.

Ototop onyoto tokunyoru Poroyun, anta kukat nyo munung, lutu akungany kuporoyit tokulutu ngoku walak. Kuskus nyoman kulutu ngoku chopo chamata ropiyen, oto mukuyang'a chanye chilata Yeso nyaí kimwa lo, ochukoncheno asagh tomolut tiomut (Matayo 26:41). Chi anka tukul nyo lentoí kioghiony kumil kegh lasiny tomeput. (1 Korinto 10:12). Yee nyu, muchinotechela kelaka karí luk chopo Tororot, tokemucha ketagha ngala onyot. (Epeso 6:18).

PICHA NYOPO MUT NKO ODENY

Pichanu, Poroí mukulou chi nyo kichunta ompo kighanat, ompo wolo otino kikiluchu nyinte lopoyun, aku cham-cham ropowonto Yím, akelinyo nyinte nko Mukulogh nyo Tilil kunyapaná lot. Poroi napo Pichanete wolo lata chi nyo tomonye kukoto ngoku. Kikeomchu chichete ngolion wolo kigh mukulounyi kuangerit akutas tagh nko ngoku.

Kingalana Yeso nyinte Paraku chí nyo chuntoi, atakimwa lo, otongeta chí Oy, chole simnyon wereí wolo momicha Pogh, kuyoroi wolo Mongoi, oto chop, kumwa lo, onyoponoyan konyu, akwotino ketu kikipuch kutililit, akemin, otino wetoí kwipuu oyoyí walak chole mut nko odeny, cho ghach kusir nyinte, Poriegho nyu chichoni, otomukta, kunyoroí Mongot nyopo chichoni tiaa kusir atanya lee tagh. (Luka 11:24-27).

Ngal cho Ighíshot ompo chichoni nyu, kukarkegh nko ngo-tunyo nyo Mwoghoi lo, "Kimla kukiý kumel kanguntanichi." Kunget Muluncho kau kumulechu kutangwar Naroyon. Poroí kikirut choní wolo lata Mukulounu Po chichu. Ngoki chichu kinyoponcho napo kupaita Mukulou chichete. Poroí takachu-nyi wolo lata Mukulou.

Rosee lo, kikurup Mukulogh nyo tulil, ompo wolo, motupisonye otini akonga. Mutung nye lopoyun nko tuwun linyogh. Memukonye mukulou chí kuluku kopo Tororot, aku napo, kopono



7. MUKULOU CHI NYO KICHUN TA

Onyot. Rosee malaikayan nyíno lee, ngolionto Tororot lo, kiwechu kegh, akurosu lot, lo anta kotoí chichete napo ngat, le Monungáí kile kipoton kimla kau akusom kotogh kwanta nko Tororot, ompo Paraku omisho, nyino kiomoí Sokoo Mulunchoii kau, nko nyarul nyo wow nyo Kíriam tukwil, otíno kingeta katangwa. Ompo Paraku mugho, nko kotogh nyopo Man, kikotochu nyinte kwanta, akwighchu nyinte ghichon nyo wow nyoman, kuyenchu tany (Mosor) wolo yee, ompo kiporunoto mukulou chichu, Motung nye kotogh anta kumulechu Tororot kusom lastagh nko tulilun. Kinònut Po chichetenyu, kikepela ma kunogho. Tungeto yitun cho mokulumocha ngala Tororot napo. Tungeto konyun cho Mosuwuyicha Purum nyo mí tau-nyi. Mokuminye aras napo ompo nyinte anta kotogh, kegh yee nyu, Pat ngokichi lokonyun. Kikumang onyot mukulounyi akupaita. Mucho yee ompo Sany, kwoloí kegh chichu ompo koromnyenyi, lee Par sukon nyo kikunyura Munyan nyo rel; wolo nyu oríi mikoo nko Pany cho kinuno. (Matayo 23:27). Papoto Putu, kicheny Poroyun Po mukulou man ompo nyinte.

Ngoku walak nko walak, tungeto oy cho ngorokoí. Kupoitoi mukulou chí, kurkegh komoroí chichete kutiaka kegh, wolo mokumukoi nye ompo wolo kiluku nyínte sekeyon. Mi yee nyu nyinte kunyoru ngalechaí, Kimwa kiyoghtoghinto Petro: "Osuwuyekwa lo ne? Kimomuchu nye so sitot chi, nyo kitiajata wero Tororot, akuyit kison-kachi kuluku kule, akwighchu Ptekweron mukulou Poropcho. (Eprania 10:29-31; 2 Petro 2:1-14).

Ki-somonin, otolata Mukuloungu nyoni, lokino Tororot nyoman, ompo wolo mukoí nyinte kulostowunyi, akutililinyi, oto Ikote-nyi ompo mukulogh nyopo Man. Napo mukoi Tororot kurat Onyot, nko Iukenyi, akuwirchu nyinte sany Po mukuloungu, oto Ichamanyí Kwigh le nyoni. Nyonchino Yeso lee chichaí kíamate somewo Kogh, lo, otomukenyi Itulilante, kulo Yeso omukan, tulílituno (Marko 1:40-43).

Wolo, otoighanyi mukuloungu kuangerit, aichamanyi tuwun, kutul lopoyun ku mominye kingorokutyo ompo nyi, ompo wolo

kikulanyi Meghat kusir spon, tuwun ompo lopoyun.


PICHA MUT NKO SOMOK

Ompo Pichanu, kusuwyí chemwokíyon nyo tungeto mukulogh nyo ang'er ompo wolo kimula lot. Kinyunghu Mughto nko meghat orinyi, nyo kíungun amengutu. Ngarekío ngoku kiwonyo, akikwítuta otino nyoru nyinte ropowo ngoku. Ketor ngwonun Po Ma kuliop mukulounyi, kulo awagh, Mominye wole rupchini nyinte. Kulo omuku asagh, wolo kicho, momínye linyogh nko Tororot. Kulo anan ngala kongot, Mokungorokoí nye nytingte, kikuluku kule.

Kulo, aros tukuchi, Mosorunye nyinte, kurkegh ropuyen cho kisup nyinte nyanye kokai. Memuchoí nye, to kungusa kegh nyinte ngwonun, anta tas, konyiswechi. Kulo anan Paraku Tororot, kiwonyo Poroyun. Kugh anka tukwil nyo kichomo kegh nyinte ompo ngunyinete kitagh nyinte. Kurkegh kintoghoghichi chà kilus nyínte, Meng'orokoi nye nyonikuny.

Ketor yee nyu, kupkochu lo, kicho, gha kupoto chí ori - Po Tororot nyo satate. Kupurchu nyinte kunyoru Man, otino kikasa, wolo kupoto Man. Kimegho Pich cho chang ompo otiogh, otino kingunchu chane. Meghat lawel, kupurio kotogh. Kule nyono nyu, mwoghoi ngolion lo, ayara Tororot otino tokurumu.

Mokumí nye yee nyu, Poroyun nyo tokulumoí chíchu, ngolionto Tororot, ompo wolo mí kumeghotoí, kitagh nyinte Poropcho nko chomnyo Tororot ompo Sopontanyi. Yee nyu muchinote kulum kuti kirwokintenyi. Kulenchini, ngetena taunyan, nyi nyo ichu chupote, wuyo tanga Ma-Po kokaí, wolo mí onyoto nko oy. (Matayo 25:41). Kikurorchu Ptangengmot meghat kunyul akonga, akwotino kama kuluku kirwok. (Eprania 9:27).



8. KIRWOKO CHIPO NGOKU

PICHA MUT NKO ANGWAN


Ompo Pichanete, kusuwuyi chipo Kristo nyopo Man, otíno kimeghoi, akurunya tiomut chopo Por nko Onyot. Kikutiam nyinte Onyoto ompo wop Lachim, wolo kirunya nyinte Kilot nyinte Ompo wolo kitopon Yeso Kristo. Nyinte (Yeso) nyo kitowu kighanatenyo. (Eprania 12:1,2). Onyot nko Iukenyi, Pestochini mukulogh nyo ghonoí, akumukíni kuyoroí wolo lutuno, wolo Purio nyu. Anaun nko chamata ropiyen, kulo mukulou cheporesnun, mi, kukony-konyoi.

Nyino Koto kukiý nko moril, kuluku kwagha nko sukurio, ompo wolo woghokoi ngoku kegh, osis ompo osis, kuluku lee kugh anka, anta kuro kegh kainat anka. Wolo chipo Kristo nyo chukanat suwuyi ngoku ompo korkoyín anka tukwil, kurkegh kupka ompo kainata Dini, anta Pka lee, Malaikayanta lopoyun. Ompo wolo ngolíonto Tororot, nko Mukulou Man orinyi kuntoghoghchíni ompo Man Iachim, akungorokoi kungutu Koromnyo nko ghoyun.

Tukun cho sopoloch, nko Oy, Imukenyi suwuye chí otopirono tau kighonin, nyo chuchumat, akunomoí mpalau kumun, ompo ewunechi. Tiomoi chipo Kristo ompo tupo ngunyinete nko Pironoto Tamasa, wolo ngokichoni, metimtimoi nye chipo Kristo nyo lee kulan, akipakach ngoku nko kulan Po nguny. Akwompo Paraku ngale - choni kirich nyinte Tororot. Kupara chi anka nyínte rotwo.

Choní lakau tortoroi Mukulounyí. Chuput, murchinogh Po ngal, Sosut, mugħut Iachim pkono wolo mi Pich cho mengutcha, chepolkostin. Wolo nju chipo Kristo nyino chuchumate soghsogħ'ho kegh ngolion nyo kimwa Yeso Io, ochikwa soyonote oto chopookwa Pich kong akungalane nokwa nyo għa, ompo Putinton Parakunyan. Ongorekieno aturoncho ompo wolo wow ropowontengwa, nyo mì Yim. (Matayo 5:11,12).

Ngoku, Por nko Onyot, cho mukíní nyoman kutoroi Pipo Kristo nko chomnyo Tororot. Wolo ompo nyakanat mwogħoí Pipo Kristo Io, eku ng'o nya weí, nyo muchoí kupesio ne-



9

9. MUKULOGH NYO KILOTISHO

cha nko chomnyo Kristo, nyarul nya anta kompolelyo, anta kichopota Kong, anta Kikar, anta Meíwonton, anta tapan anta mehat? Wolo ompo ngal lowur, kulotecha ompo nyinte nyino kichamecha (Rumí 8:35-39).

Ompo kelaach kari luk, lakau chopo Tororot, nyo Itoí tiomut ompo owesyo Mukulogh nyo Tilil, Por nko tiomut-kachí lachim Ngutuno lo, otomi Kristo orinyi kutungeto owesyo kutul Onyot nko lukenyi, ompo wolo nyinte nyomí Orincha, kuwow, kutil nyinte nyo Mito nguny, Onyot. Yeso Kristo Ki lot onyot aku-lot Meghat nko ngoku, akwompo nyinte, kíchicha lotu, cho, nyoru tenta nyopo ororyo.

Tapogh Po Kinonut-kachí kurumunot aku-kwer kwerei nyonran. Mukulounyí kinyughu Kighanata nko Mukulogh nyo Tulil. Malaikayanta Tororot nyo nonchini nyinte, ayomis Po Tororot ompo chane cho Itoí, akughioncho takwit Sorom. (Ngangat 2:7,11,17,26; 3:5,12,21). Mlaa ropien nyona yatat kut, Poroí lo melo mukulounyi Pat, wolo ato ropienichí, nko, lowír cho tingeto nyinte, kutoni Tororot.

Ropienichí chopo arawa, melo Igbo ngoku, wolo, ngorokoí meí, akutoni Tororot kareran Po taman nyopo Tukuchi Lachin. Ompo orr anka tukwil Poghishegho ropienichi ompo ororyo Tororot ongut, lee, ataí, toní Tany Mosowon cho, kulenye nyoni kighonintonu ompo Tororot. Makatian nko Koghokwo ompo Pichanete, kuporoi lo, Mongisiyi chiche te ompo tulilun. Mog'heg'hoi nye kumun, anta gha kison, anta am tukun cho komegho, anta yup tapa, ompo wolo ngut lo, Portanyi kumuchinot kutililit ompo wolo kopo Tororot.

Kopo Soghut mukulounyi, akuwetoi nyinte tuyotun chik, nko kanisa. Soghoí nyinte kuteno osiswo. Supoi nyinte Pikachi chopo kau akusoghichíni lakau, ompo wolo, ngut nyinte lo, Mominye Mong'ot nyo karam oto Purio soghut, luku chí lee koghokwo, nyo kotenchu Pogh. Pukunono Isuwuyenyi yatare, Poroí lo, ngolionto Tororot, Ku Puku nyo yatare ompo nyinte osis lachim. Pipilia ku lopoyuntanyi aku chokenyi nyo

runytegho onyot, Pipilia. Ku makatiantenyí nyopo Sopon osis ompo osis. Pipilia ku poghechi cho nukoí maralunyi nyopo mukulogh.

Osís ompo osis, mwoto Portanyi ngolionto Tororot aku napo, kiyo nyo milo kegh, nyinte. Chomo kegh nyinte kusítóî kimurte won, tokunonchíni nyinte lo kikeudo nyínte nko Kristo, akikututu nyinte nko Yeso ompo relun, kulenyona nyu, yoroí nyinte ngala Parak, chíno Po Kokai mosuwuyinye chi. Mi kupsach kuriam nko Tororot. Lenye ket nyo kipita champilwa nyo mí Pogh, akuyínoí akwa ompo osiswechi Lakau.

Napo kiluku lee ket-po sapipchon, nyo Po Man, akuyínoí akwa cho chang. Kinyughu chomnyo Tororot sopontanyi amewoghoi nye mehat. (Ngotunyo 1:1-3; Yoana 15:1-14; 4:18-21).

PICHA TAMAN

Kimwa Yeso lo, ochan kitutunot nko Sopon, onka tukwil nyo għħonanun, kusopoy kurkeġħ kima. A kwanka tukwil nyo satate akugħħonanun kumomeħġoi nye kokaí. (Yoana 11:25,26). Om-wowokwa nyoman lo, anka tukwil nyo lumoi ngalechan, akugħan nyinte, nyo kiyokwanun, kutungeto Sopon nyopo kokai. Melo kirwokini nyinte wolo kingetuno mehat akulit spon. (Yoana 5:24).

Omwowokwa nyoman lo, anka tukwil nyo lumoi ngalechan, akugħan nyinte nyo kiyokwanun, kuting spon nyopo kokai, Amelo kirwokini nyinte wolo kikungetuno kirwok, akulit spon nyopo kokaí. (Yoana 5:24). Motinye Megħat Purotokegħ ompo chipo Kristo ompo wolo kikenyukħu akerintya. Ayo mehat, miono lotatengu nya? Akumi ono onesyengu nyopo ngwonun nya mehat? Wolo keyokino Soro Tororot, nyo lot-wech kuweruno werinyi Yeso Kristo (1 Korinto 15:54-57).

Chi anka tukwil nyo ngit Tororot mewogħonye mehat, otino Ka-Kwit asis nyo ngeto ngunyinete, wetoi ompo ngorekio, kutongoi kopo spon. Kimwa Paulo lo, oprichinan tya owo otopo nko Kristo, ompo wolo, karam nyoman Kusir tukwin



10

10. KAYINO MI ORORYO

Iowur (Filipi 1:23). Mochoi chipo Kristo kusuwa takochu Yeso, nyino kimeghchu, nyínte ompo kimurtewon, akumulta Kisonkachi.

Nonchini mukulogh nyo Tulil ngal cho kimwa Yeso Io, maka-ny kusus kegh Mukuliskokwo, aghanakwa Tororot, aghananun tukwil ompo wolo mi korun cho chang, katoo paponyan Owetan, amlonan napo, tamtokwa katanyan, atokuwolno omitan omitekwa kokai nko ani. (Yoana 14:1-4). Tomanye kusuwa kong, anta yit kilim, anta tomonye kulit Mukulou Ptangengmot ngala cho kirorchu Tororot Pikachi. (1 Korintho 2:9).

Ompo nguny, Mominye kut nyo Muchoi kumwa, wolo lata koromnyo nyopo Yim, wolno kiwo Yeso kwighchi Pich, cho ghonoi nyinte. Ompo Pichanete po taman, poroi wolo lata chi nyo ghonoi Yeso, otino wetoi kau yim. Nyino koten-gunoi Papoto meghat kuchengoi nyinte, ompo yete, kusuwiyi malaikayanta Tororot, kuyodoi mukulogh nyo nyughitate Man. Ompo yete, kumi ketiokoi Sopon nko mukulogh kungeta Por, tokep ka Tororot nyinte nyino kichamecha. Mito Tororot kukonyoi Pich ompo taunyi. Mwochíni Echotion Io, Ichinyí sekeyon nyo karam aku kighonin. (Matayo 25:21). Motung nye, Onyoto owesho Parakunyi, ompo wolo po olion megha chipo Tororot. (Tumwoy 116:15). Aluman kut kunguna yim lentoy, kira Io, soyomote Pich cho Meghsot, kungata yee, kutang tagh, kupoghishechini Echotion, kuyoku mukulogh Io, owei lenye nyoni, nyoman.

Sukoy chane kiminy ompo kighotikwa ompo wolo riepi chane Ighisheut kokwa. (Ighisheut 14:13). Nyí nyo Isomonoi Pukunete, nyakungarakín Tororot, tono Yeso Sopontongu ompo wolo, lendoi nyínte, montanyu, konanin Sopontong'u taghan kuten. Mechomchu sopengu ngoghomnyo tomeapot ompo ortuna ngoku, ompo wolo nyinte nyo konoi mukulounyi, ku-solwo.

Pakacha ngokiku ainam Man, ompo wolo ropowo ngoku kumeihat nyopo kokaí, wolo ropowo Tororot ku Sopon nyopo kokai, ompo Yeso Kristo Echotiontenyo. Nyí nyo kito Tororot

sopeng'u, nama kiporunot nyopo ngala spon, ompo kighanat nko chomnyo Tororot ori po Yeso, ompo wolo ingutonyi nyinte nyino Ighonenyi lo, mukoí kuripoy kiyini makat takwit asisini.

Ateka kighanatengwo kutililit nyoman, asagha ompo mukulogh nyo Tililil, oripeno kegh chomnyo Tororot, otopono Yeso kitirin nko kiwonyin nyopo kighanatenyo, napo nyínte nyo mlo lawel, aku Poítoghinto Poitoghu. Nyinte nyo mukoi kuripokwa, akughiyontokwa tau ororyenyi, kupurio kemerian ompo ngorekyo nyo wow. Tororot ongut nyole ghetintenyo ompo Yeso Kristo Echotiontenyo. Nyenyí wowun nko owesyo nko Paitagh kungata konyishok nko yee, nko kokai owei (Yuda 24,25).

A SPECIAL WORD FROM ANGP
UN MONDE SPÉCIAL DE L'ANGP
UMA PALAVRA ESPECIAL DA ANGP

This booklet "The Heart of Man" is available in over 538 languages and dialects spoken throughout the world (Africa, Asia, The Far East, South America, Europe, etc.) Our Heart Book is now also available on cell phones, tablets, etc from www.anqp-hb.co.za or as an APP "Heart of Man" on Android phones.

Le livre du "Coeur de l'homme" peut etre obtenu en plus de 538 langues et dialectes parles dans le monde entier, a savoir: Afrique, Amerique, Asie, Extreme Orient, Europe. Notre Livre du Coeur est maintenant aussi disponible sur votre Telephone cellular, plaques, etc. de www.anqp-hb.co.za ou comme une Application "Heart of Man" sur telephones Android.

Este livro "O Coracao do Homem" e obtfdo em mais de 538 linguas e dialectos falados em todo o mundo, a saber: (Africa, Asia, America do Sul, Extremo Oriente, Europa, etc). O nosso Livro O Coração do Homem tambem esta agora disponivel em telefone celular, tablets, etc. de www.anqp-hb.co.za ou como um aplicativo "Heart of Man" nos telephones celulares Android.



The 10 heart pictures contained in this booklet are also available in the form of large coloured picture charts (86 x 61cm) bound together in a set of 10 pictures. These "Heart Charts" can be obtained with European or African features and are particularly suitable to be used in conjunction with the Heart Book for class-teaching, open air evangelization etc. Kindly contact us to ascertain the latest subsidized price of this chart.

Les 10 images du coeur qui figurent dans ce livre peuvent etre obtenues en tableaux de couleur, format 86 x 61 cm, avec des physionomies europeennes ou africaines. Ils peuvent etre utilises en meme temps que le livre du coeur pour des classes bibliques, a

l'ecole du dimanche ou lors de reunions de plein air. Soyez aimable de nous contacter pour assurer les derniers prix en cours du tableau.

As 10 imagens do coracao, contidas neste livro podem ser obtidas num conjunto de 10 imagens em colorido no tamanho de (86 x 61 cm). Estes "Cartazes do Coracao podem ser obtidos com caracteristicas Europeias e Africanas e podem ser usados em conjuncao com o mesmo livro em classes de ensino biblico, evangelizacao ou ao ar livre. Agradeciamos que nos contacta-se para confirmacao do ultimo preco dos cartazes.



Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

Nous vous invitons a nous contacter pour faire des arrangements concernant de nouvelles traductions de notre litterature, nous informant de la langue dans laquelle vous pouvez traduire cette litterature evangelique. Votre aide sera beaucoup appreciee.

Si vous avez trouve le salut en Christ ou si vous avez ete beni par notre litterature, nous vous prions de nous le faire savoir. Nous aimerions remercier Dieu avec vous et prier pour vous.

Nos vos convidamos a nos contactar, afim de fazer qualquer arranjo concernente a novas traducoes de nossa literatura em outras linguas. Vossa assistencia sera muito apreciavel.

Se tem encontrado a salvacao em Cristo, ou se tem sido abençoado por intermedio da nossa literatura evangelica, faça o favor de nos

informar. Pois nos gostarfamos de agradecer a Deus juntamente convosco, e lembra-lo sempre em nossas oracoes.



For free Gospel literature, books and tracts in over 538 languages, write to:

Pour obtenir gratuitement de la litterature evangelique, des livres et des traites en plus de 538 langues, ecrivez a:

Para obter gratuitamente a literatura evangelica, livros e folhetos em mais de 538 linguas diferentes escreva para:

E-MAIL: info@angp-hb.co.za
info@angp.co.za

ALL NATIONS GOSPEL PUBLISHERS
P.O. Box 2191
PRETORIA
0001
R.S.A.

A Gospel Literature Mission financed by donations

Une Mission de litterature evangelique financee de dons
Missao de literatura Evangelica financiada por donativos

(Reg. No. 1961/001798/08)